

人物志第一

德慶州志七

列傳

義烏朱一新纂漢陽關棠高要黎佩蘭覆纂龍鳳章纂

人秉五行之秀忠孝節義祇完分量要不恃力而傳不待名而存然沒世無稱君子所疾其間不靡於腐草而與日月爭光者苟無旌傳百世下何以示勸顧前志人物首陳頤而次李謹微然頤出入隋唐謹微傳語恍惚今斷自宋始而談文炳傳牴牾特甚姑著其辨於考異以俟來哲論定焉典型未遠微燬光昭朝譽鄉評是非不謬甄錄尤者以時代相次作列傳

石處道

李熙載

伍仕階

陳 讜

樂 夔

梁夢奇

913.763
2400
6

謝文晏

謝復生

梁

畿

以上宋

郭友

梁

全

戴元

梁仕亨

以上元

李質

子伯震

李

穆

陳立

王

制

曹昌

王

瑋

謝澤

梁

普

陳衍

張

瀾

徐彰

梁

東之

謝恩榮

王

朝臣

鄧牆

張

汝秀

陳天華

梁崖

劉揚

梁滔

陳守基

陳沛

謝球

陸大成

戚大勳

陸世鍵

歐萬顯

徐有爲

梁大同

劉大禮

子勉

謝君言

梁梓

明以上

李一韓

孔貞時

李聖寵

何泮

溫可拔

李高飛

蒙捷

徐士宗

李元英

黃煥文

李爲紳

何日珮

梁奇通

謝仁掄

徐中運

子昭

梁從

謝慶芬

李昂

岑現佩

溫頤

李經邦

馮駢駿

馮紹光

莫殿紹

溫瑞柏

溫承恭

李雲鸞

梁曾齡

謝鵬起

溫颺

何奇英

李翰昌

梁曾秀

歐統傑

曾孫兆卿

梁維城

劉志高

何金陞

洗慶文

談應棠

陳芹

梁濬

李致祥

溫嵩德

姚阿敏

陸致雲

李梅

梁曾暉

梁魁

戚勳

以上
國朝

石處道字元叟

郭秉粵
大記

晉康人

采訪
冊

少聰敏嘗築室讀書元

豐五年登黃裳榜進士第時年二十四後知松江縣

粵大記
作府

按宋無松江府
縣之名疑有誤

以清白稱政暇為詩詞有松江集官至朝奉

郎鄉人因其所居村及水皆以書堂名祀鄉賢

陸志參
府志

李熙載字伯先都城人幼穎悟博學能文元豐八年登焦蹈
榜進士第元符時為廣東按康熙志舊志均作南西路計度轉運使政

聲著聞賜敕褒嘉官至朝請府志引通志誤作議大夫有詩詞行世陸志

祀鄉賢譚志

伍仕階晉康人累世仕宦以朝議郎知封州秩滿挂冠東歸
性耽元寂自適其志子孫俱以忠孝顯運使李熙載贈詩有

一門萃忠孝竹帛寫家聲之句陸志祀封川名宦舊志

陳讜都城人少讀易以學行聞鄉選士屢充貢慶元時特奏
名仕有能聲歷潮韶二州參軍監司廉其有守屢旌之官至

通直郎陸志參譚志

樂夔字友龍陸志通志引端溪人陸志慈竹侍郎之裔譚志舉

廷對署鬱林司戶遷封川令調循州長樂令有寇千餘恣剽

掠無城可恃夔集民兵激以重賞一鼓成禽大帥留參目爲
健令漕吏劉強學聯名上聞班見改宣教郎未幾轉通直郎
賜緋魚袋居官以廉能著攝倅董試奉直總餉歲糴二十萬
價視昔適歲稔粲直頓減羨餼一千五百萬吏欲私之夔悉

還民士人歎曰嶺外佳士

陸志

卒祀鄉賢

譚志

梁夢奇晉康人世有義方累舉調潯州法曹廉謹自守繡衣
宋寺丞行部風力甚勁守以下皆獲譴夢奇請見獨賢之歸
語董距堂大丞相薦諸朝遷瓊州推官年六十致仕築室茂
林修竹間集鄉俊課試之郡缺博士郡守委攝焉郡守下車
必先訪其廬時見推重如此

陸志參譚志

謝文晏西廂人性穎悟書旣成誦終身不忘登紹熙四年進
士初知武城縣詢民疾苦多所興革董修城垣殫心區畫邑

人立碑頌之後官殿中侍御史冰操益勵在朝多建白

譚志

謝復生西廂人登淳祐四年進士初任華州監獄進大理寺

評事致仕杜門訓子性慷慨嘗貸友人李檄粟五十斛不問

其直救佃獐黃公章等三十人之死重卻其酬里閭賢之

譚志

梁畿都城人咸淳四年

譚志舊志作三年據選舉改

及第仕至朝列

陸志作朝

請

大夫卒於官諭葬羅旁九牛山

陸志參譚志

郭友本州人授大中大夫本路總管惠澤及人郡之父老悉

能誦之祀鄉賢

譚志

後改祀名宦

舊志

梁全字伯謙號野泉其先河南杞縣人宋南渡時曾祖起爲

嶺南招討使祖祐元時任廣東宣慰司父仁隱任福建僉都

御史樂德慶山川之美因家悅城

梁氏家譜南渡時父攝

按舊志作宋攝助教宦游至

晉康因家焉考至正甲午湖元初已七十餘年去南渡時尤遠舊志顯誤

全好學通禮記有文武

才

陸志

登至正甲午鄉薦乙未副榜

譚志

按元史選舉志鄉試有備榜即副榜也觀此

則會試亦有之

任本路同知以厚風俗興教化為本郡屢為西寇所

擾全諭民為防禦策自是歲免刼奪調向武州同知未幾遷

太平路同知封敦武校尉

陸志

祀鄉賢

舊志

子俊傑舉文學授承

務郎海豐縣令

譚志

戴元字貞甫晉康人舉人至正時授封州判官撫字有方

陸志

人稱良吏

譚志

梁仕亨以材幹武略授沙村巡檢時流賊刼悅城仕亨率兵

夫躬為捍禦賊奔潰民賴以安

譚志

即悅城案當巡檢

李質字文彬號樵雲晉康鄉金定人

舊志趙壩贈序

其先自祥符來

徙質美風儀

宋濂撰墓誌

有材略

明史本傳

器度宏偉蚤知嗜學博習

經史期明體以達諸用

宋濂贈序墓誌

值元季多故與弟穆放情

山水以詩酒自娛墓誌至正時行省左轄東莞何眞知元運將

盡爲守備計辟質參軍悅城何國賓金林張宗達倡亂眞以

兵遣質歸募鄉兵二萬餘壁龍岡與總管陳文仲籌防禦時

官舍民廬焚燬殆盡守令將帥委章綬於質質亦挺身經畫

十三年湖南流賊來寇質禦卻之十四年十月質遣姪伯豫

黃通志作仲子誤督募兵七千討平國賓十五年正月遣伯豫偕文

仲率師擒斬宗達餘黨潰散舊志紀事及德慶路陷士民皇皇共

推質入守日夜浚城隍繕甲兵扼險要以遏他寇墓誌上達蒼

梧象郡下接三山九江龍潭皆藉其保障黃通志舊志二十六年

三月授奉訓大夫江西等處行中書省左右司員外郎仍掌

廣東行樞密院事辭不至譚志事紀二十七年六月命以權僉福

建江西等處行樞密院事鎮守封川譚志事紀黃通志時據鄉邑者

多割剝殘忍質常戒麾下非遇敵毋妄殺或執敵人來獻給

衣糧縱之家富饒急於振施

墓誌

尤好儒雅章縫之士多往依

之其最知名者江右伯顏子中茶陵劉三吾羊城劉蕡建安

張智

明史本傳舊志

洪武元年二月征南將軍廖永忠等下嶺南四

月贛州衛指揮陸仲亨略地至德慶

明典彙

質封府庫全城欵

附

舊志墓誌

與何真同入覲上慰諭之

舊志載上諭曰天下紛爭所謂豪傑有三易亂為治

者上也保民達變識所歸者次也負固偷安流毒生民身死不悔者斯不足論矣頃者師臨閩越卿即輸誠可謂識時達變者矣質頓首謝曰昔武王伐暴救民諸侯不期而會者八百今主上除亂以安天下天命人歸四海景從臣本蠻邦之人始者逢亂不過結聚鄉民為保生之計實無他志今幸遇陛下無幽不燭臣愚豈敢上違天命上曰夫能不賈禍於生靈者必世享其澤朕嘉卿忠誠念江西地近廣東用是特授爾官職以表來歸之誠古云令名德之興也卿令名已著尚懋乃績案明祖諭質之詞見明史何真傳質奏對之詞亦與廣州府志所載何真語大同小異蓋質與真同時入覲故各紀其所聞然敕中有江西地近廣東之言質降後未聞授官江西惟明史言真入朝擢江西行省參知政事奏對之語當

屬真不當屬質也今刪之而附辨於此

十二月授奉訓大夫中書省斷事

粵大

明年改都督府斷事強力執法

明史本傳

丞相都督咸敬憚之

墓志

五年二月遷中順大夫刑部侍郎三月進嘉議大夫刑部尚

書

舊志

治獄平恕有名於時遣振饑山東御製詩餞之

明史本傳

舊

志詩云遣卿持檄按齊東念爾勤勞苦厥功經國老臣勤撫恤行天使者起疲瘠官儲有粟宜從振囊橐無私任至公七

十二城皆徧歷馬蹏無處不春風

九月進中奉大夫浙江行省參知政事宋

濂陶凱皆為敘以送其行

舊志

居三年惠績著聞帝念質老召

還致政居京師嘗入見便殿賜坐訪時政質直言無隱

明史本傳

八年十月復授資政大夫靖江王右相十年冬入覲疏請歸

省先薨明年九月歸王親賦詩繪圖以贈命官屬宴餞濰江

之游人以為榮後王罪廢質竟坐死十三年閏五月也

墓志舊志

參趙璩贈序三李集小序

按

質性素冲淡暮年尤工於詩

有樵雲集若干卷

墓志

祀鄉賢

舊志

質四子仲子震知名於時

墓志

震

舊志作伯震

號巢翠洪武初舉懷才抱德科試大祀慶成賦及

策論皆中高第博學無所不通能為詩歌江右周湏見而亟

稱之初授容縣知縣永樂二年改順天大興知縣蓋特恩也

時肇建北京卓有勞績後以父任遷光祿寺丞

粵大記梁善長廣東詩粹

譚志引開國功臣錄參修

李穆字文昭質仲弟讀書談道學識優長不樂仕進尤有詩

名與其兄質姪伯震一時吟詠甚富時人合而鐫之題曰三

李集

舊志參宋濂撰墓志

陳立字子綱內廂人曾祖文仲為元萬戶父宗錫號樂靜為

撫猺舍率猺人貢因事之遼遂不返立七歲自知讀書既壯

告其母曰父去久音問不通若不訪求天地間一罪人也聚

糧走燕趙書姓名情狀於衣背日詢訪之至開平中屯衛遇

一父老攜至家出其父所著樂靜遺稿因獲葬所立齧指滴

血而骸果滲仰天大慟絕而復甦乃負骨以歸間闕者萬餘

里禮部侍郎陳樅作陳孝子傳祀鄉賢陸志譚志黃通志舊志謝恩榮題

陳子綱旌孝卷詩馳驅王事墮天涯二十年來惜旅骸刺血

滲將遺骨認函金得返故鄉埋到今寒食墳頭草尚帶開平

塞上哀忠孝傳家非一日綱常雙眼為誰開陳樅弔陳孝子

詩義士萍蹤何處尋遼陽萬里塞雲深趨朝自獻還方物遺

橐誰還旅次金黃土不迷勝氏室蒼天猶感少元心康山孤

上重邱首一見豐碑淚滿襟何禮莊詩南北蒼茫路幾于孤

魂流落景堪憐一邱芳草黃昏雨萬里鄉關暮景煙故舊悼

情歌薤露賢郎行孝感蒼天從今歸葬家林好莫向東風怨

杜鵑又梁崖黃宣皆有詩不錄又采訪冊國朝廩生陳兆

蓉陳氏不享冬祭序略陳孝子立既負骨而歸中途憩於旅

舍適遇冬至立與僕出市祭物方出而鄰舍忽焚延及旅店

立返投火中救父骸火熄見立抱襯大哭兩無損比至家附

於家廟故事冬至皆祠祭是日祭畢而燕祠內火起舉族皆

驚曰得毋宗錫公憫孝子之危而不享冬祭乎羣禱曰若宗

錫公之靈今而後凡我族人世世子孫永享冬祭

祀未畢而雨大至火熄於是陳氏遂不享冬至云

王制字宗義內廂人其先出自江西廬陵元末祖文政宦粵
父觀銘遂家德慶制幼敏異過目成誦下筆千言立就尤好
左氏永樂乙未登陳循榜進士第授行人丁外艱歸居喪盡
禮足不踰閭比葬躬自負土朝夕號痛居恆絕跡公府風度
峻整弟姪無一人服羅綺者尋起復適邊報旁午上疏議馬
政數事上優詔褒答同時諸名士如解縉夏原吉楊士奇皆
歎賞之宣德己酉奉敕冊蜀王動止有儀應對明爽燕賚一
無所受王大喜作詩送之有玉潔冰清辭禮帛之句還至夔
州南沱驛遇江水暴湧舟覆溺死遺骸不可得事聞上震悼
殊甚

陳循撰傳略
參陸志選舉祀鄉賢

舊志

曹昌字德隆其先壽州人祖承宗

陸志作
曾祖周

德慶千戶父斌避

承襲遠遊莫知所之昌甫三歲及長問其母曰吾父安在母

告之故昌大憾後得父書知在河南遂平縣昌年二十訴官
乞憑尋之以家事付其弟遂辭母去誓不見父不還乃趨河
南之遂平得館人告之曰而父有妻子攜以歸久矣昌旁求
不得困於途每夕稽首北辰願減算以見父幾二載行至裕
州遇父友粵人倫濟知父已死訪遺孤得葬所朝夕號泣水
漿不入口裕人憐之聞於周王賜孝子詩命長史潮陽鄭義
傳其事負骸歸葬哀毀踰節人稱爲曹孝子祀鄉賢陸志舊志
王瑋字廷璧別號東谷制從子幼聰睿景泰庚午舉於鄉三
上春官不第乃就職初授東鹿訓導作人有方課士有程成
化己亥改安溪教諭至則作勤懲惰士習一振秩滿解組歸
諸生祖送數百里外旣歸築精舍誨訓子孫種竹栽花飲酒
賦詩以適其志不至公府

梁崖撰傳